

π n
2123



389,1.



zug
halt
m



Warhafftige beschreibung:

Der Röm. Kay. Mayt. Zug

zugs zu Augsburg/ tegen itzo doselbst gehaltenem Reichstage / vnd wie ihrer Kay. May. die domals anwesende Chur vnd Fürsten / Persönlich/ mit ihren bey sich gehabtem Key- sigen Zeuge entgegen gezogen.

ANNO 1582.

544
II n
2123




Dresden.

UNIVERSITÄTS-BIBLIOTHEK
HALLE
(SAALE)

BIBLIOTHECA
POMICKAVIANA

Faint, illegible text at the top of the page, possibly bleed-through from the reverse side.



Faint, illegible text at the bottom of the page, possibly bleed-through from the reverse side.

Decorative initial letter 'S' in black ink, part of a marginal note or heading.

Fragment of text: 'ei', 'he', 'di' in black ink, likely part of a marginal note.



Witwochs den 27. Junij.

Anno 1582.

Vst der Aller durch-
lauchtigste/ Grosmechtigste
vnd Vnüberwindlichste Fürst vnd
Herr / Herr Rudolff der Ander / ero-
welter Römischer Keyser / auch zu
Hungern vnd Behemen König / etc.
Erzhertzog zu Osterreich / etc. vnser
aller gnedigster Herr / zu Augsburg
eingeritten / Vnd mit sich ihrer Mayt. Vettern / Erz-
hertzog Carln zu Osterreich / auch Hertzog Wilhelm/
vnd Hertzog Ferdinanden zu Beyern/ etc. gebracht.

Vnd seindt ihrer Röm. Kay. Mayt.
entgegen gezogen.

Erstlichen:

Der Churfürst zu Sachsen/ etc. vnd ne-
ben S. Churf. G. dero geliebter
Sohn vnd Vettern / Als:

Hertzog Christian zu Sachsen.

Hertzog Friederich Wilhelm zu Sach-
sen,

A ij

Hertzog

Hertzog Johan Castmir zu Sachsen.
Derertz Bischoff zu Weintz.
Der Bischoff zu Würtzburg.
Der Bischoff zu Eichstedt.
Der Cardinal zu Trient.
Der Herr Meister Deutsches Ordens.
Der Herr Administrator des Primats
vnd Erztziffte Magdeburg.
Pfaltzgraff Philips Ludwig bey
Rhein/ vnd S. F. G. beide Brü-
dere/ Als:

Pfaltzgraff Friederich / vnd
Pfaltzgraff Heinrich Otto.
Hertzog Ulrich zu Weckelnburg / vnd
S. F. G. beide junge Vettern/ Als:
Hertzog Johans / vnd
Hertzog Sigismundus Augustus.

Vnd sonsten andere mehr Herren/ vnd der abwesenden Gesandten / omb 12. Uhr zu Mittage gar stattlich vnd wolgeputzet / nach derselben letzten gehaltenen Nachtlager Friedtberg genandt / welches eine kleine Meile von Augsburg gelegen / vnd Hertzog Wilhelm zu Beyern / etc. zustendig.

Vngescheh

Vngesehr nach einer stunden/ als ihre Chur vnd
Fürstliche Gnaden auffer der Stad gewesen:

Seindt

Die Churfürstin zu Sachsen/ sampt ih-
rer Churf. G. zweyen Frewlein/ Desgleichen

Hertzog Christians zu Sachsen/ vnd
Hertzog Ulrichs zu Mecklenburg We-
mahlin/ sampt ihrer Chur vnd Fürst. G. Frauen zim-
mer/ in ein Haus / an welchem die Fenster mehrern
theils mit langen schwarzen Sammeten Tüchern be-
hangen gewesen / vnd aldo der Einzugt fürüber hat
geschehen müssen / gezogen / Auff derer Chur vnd
Fürst. G. derselben Räte / vnd fürnehme Juncfern
gewartet.

Nach gewöhnlicher vnd gebürlicher im
Felde beschehener empfangung / seindt Ihrer Kay.
May. der bey sich gehabter Fürsten / Auch der entge-
gen gezogenen Chur vnd Fürsten Keyserlicher Zeuge in
Ordnung gebracht / vnd in der Stad eingezogen.

Seindt erstlich geritten im Vorzuge /
vnd Ersten Glied.

Des Churfürsten zu Sachsen drey Einspennige
Knechte.

A III

Darnach

Darnach des Reichs Marschalchs des zu Pappen-
heims Fuhrer.

Drey Lackeyen/ vnd
Der zu Pappenheim selbst alleine reittende.

Deme seindt:

Drey seiner Vettern/ mit 22. Pferden gefolget.

Nach diesem ist eines jedern Chur vnd
Fürsten Vortrab gefolget / Als:

1. Des Churfürsten zu Sachsen / darunter vnd in
den fordersten Gliedern etliche ihrer Churf. G. Ritts-
meister / Hauptleute / vnd andere fürnehme vom Adel/
samt ihren Spies Jungen gewesen.

Denen folgten etliche:

Seiner Churf. G. Leibpferde / welche durch Edle
Knaben vnd Knechte an der handt geführet / mit ganz
schönen Sammeten decken.

2. Darnach zum andern / des Herrn Administra-
tors Vortrab.

3. Der Mecklenburgische / Vortrab.

4. Der Pfaltzische Vortrab.

5. Der Menitzsche Vortrab.

6. Der Baierische Vortrab.

Darnach folgten.

Des Churfürsten zu Sachsen Heer Paucke / vnd
Neun Trommeter.

Darnach

Darnach

Der Churf. Sechsische Hoffmarschalck / vnd die
andern Jünckern / sampt ihren Spiesjungen / außser
halb der Kammer Jünckern / So hernach verzeichnet
seindt.

Ferner folgten:

Drey Knechte / ritten vor den Edlen Knaben.

Auff dieselben.

Des Churf. zu Sachsen / neun Spies Jungen.

Sechs Herzog Christian zu Sachsen / vnd

Drey Herzog Friederich Wilhelms zu Sachsen /
Spies Jungen.

Darauff folgten alle andere Chur vnd
Fürstliche Sechsische Leibpferde vnd Knechte / mit Gel-
ben Federn / gar schön gepuzet / Vnd dann ebliche
der Jünckern Knechte / in gleicher Ordnung.

Nach dem Sechsischen hauffen folgete:

Des Herrn Administrators / des Primats vnd
Erzstifts Magdeburg Hoffgesinde / Bey welchen wa-
ren Sechs Trommeter / vnd Sechs Spies Jungen mit
weissen federn geschmücket / führeten lange Rohr / vnd
Scheffelin.

Darnach Herzog Ulrichs zu Mecklenburg Mar-
shalck / Jünckern / vnd Kentsig gesinde / bey denen drey
Trommeter / vnd drey Spies Jungen / so mit roth vnd
gelben Federn gezieret waren.

Darauff

Darauff der Pfalkische Marschalck / vnd Junckern / welche hatten drey Frommeter / vnd Sechs Spies Jungen / Ritten alle Junckern in schwarzen Röcken / gleich den Harzkappen / vngegürtet / vnd mit schwarzen binden vmb die Hüte.

Ferner die Churfürstlichen Meinbischen / hatten vier Frommeter / vnd auch alle Hoffleute schwarze binden vmb die Hüte.

Vnd dann die Beyerischen Junckern vnd Knechte / welche zwelff Frommeten bey sich hatten.

Nach diesem allen kam des Erbherzog Karls zu Osterreich vortrab / deme folgten zwelff edle Knaben / in schwarze Sammete welsche Röcklein mit fliegenden Ermeln / weisse Wambsen vnd strümpffe bekleidet / hatten kleine semische Stieffelen / vnd hohe Osterreichische Hüte mit schwarz vnd weissen federn / ritten gar schöne Spanische vnd andere geschmückte Ross / einer nach dem andern.

Hierauff folgte S. J. Durchlauchtigkeit Marschalck / Junckern vñ Knechte / desgleichen Eylff Frommeter / vnd 20. Vngerische Reuter / darunter ihrer 9. mit herrlichen Zeugen / vnd weissen Granichs federn / die Pferde auff die Türckische art gezieret / sie aber hatten rote Röcke / darüber Lux heute gelegt / vnd ein jeder eine vergülte lange Vngerische Hacke auff der Achseln / die vbrigen waren in weis / vnd andere Röcke gekleidet.

Darnach

Darnach des Herrn Meisters Deutsches Ordens Hoffleuthe / in langen liechtbraunen Röcken.

Als nun erzelter Keyfiger Zeug in der Stad war / vnd ihre Mayt. bey der Stad naheten / Ließ der Rath etliche viel stücke Geschützs von den Stadt Thürnen vnd Wehren abgehen.

Darauff folgten Herrn Jacob Fuggers 16. schöner schwarzer Pferde / geschmücket mit gelben zeuge.

Darnach der Stad Augsburg 9. Pferde / derer Reuter alle blauwe Rocke mit roth gefüttert / vnd dergleichen Hütte / mit rohten Sammeten gürteln.

Auff diese folgten der Röm. Kay. May. hauffe / vñ ritten zu Erst ihrer drey in einem Glied / in schwarz gelb vnd weissen Sammet gekleidet / ihre Pferde waren mit decken von allerley farben / hinter ihme fürete ein jeder einen lebendigen Leoparden.

Diesen folgten ihrer Kay. May. 14. Edle Knaaben / Welcher 12. waren in schwarz / gelb vnd weisse Sammete Röcklein mit fliegenden Ermeln gekleidet / hatten gelbe Stiefflein / vnd hohe schwarze Sammete Hüte / mit schwarzen steinigten schnüren / gelbe / schwarze vnd weisse Federn / die ritten auff schönen Neapolitanischen / Spanischen / Türckischen / vnd andern gar herrlich geschmuckten Rossen / auch einer nach dem andern.

B

Der

Der 13. führete ihr May. Helmlein / darauff ein
Federbusch von schwarz / weis vnd gelb / vber einer
Elen hoch / Desgleichen das Scheffelin vnd Kuris /
oder Plech hand schuchen.

Der 14. den Keyserlichen Kürisser / welcher gar
schön blanck / vnd mit Golde gecket / Hatte darüber
ein schwarz Sammet Röcklein / mit Golde vnd Sil-
ber gesticket.

Den 13o benannten Knaben folgten vier Cam-
mer diener.

Hernacher die Heerpaucke vnd 15. Trommeter /
alle schwarz / gelb vnd weis gekleidet.

Darnach zogen Ihrer May. Hoffmarschalch /
samt ihrer May. Grassen / Herrn vnd ander Hoffge-
sinde.

In mittels wurde mit der Nachfolge
innen gehalten.

Folgeten aber darauff.

Die Chur vnd Fürstlichen / Sechsische / Magde-
burgische / Pfaltzische / Mecklenburgische / Beyerische /
Osterreichische / Meinzische / Grassen / Herrn / fürneh-
me Räte / vnd Junckern durch einander.

Nach diesen kamen drey Ungerische Herrn Kay.
May. Hoffgesinde.

Darnach andere Ihrer May. Hoffgesinde / vnd
Gammerer / desgleichen ihrer May. Marschalch mit den
Truchassen.

Hierauff

Herauff kamen zwene Ehrenholde/ als Bingerisch
vnd Böhemisch / mit ihren gewöhnlichen gezierden/dar-
unter sie gar lange schwarze Sammete Röcke führe-
ten / hatten schwarze Daffende Hüte / mit schwarzen
vnd weissen Federn / vnd weisse Steblein in den hende-
den.

Darauff folgten die Chur vnd Fürst-
lichen Personen.

Als im Ersten Glied.

1. Die zween Junge Hertzogen zu Mecklenburg/
Hertzog Johan / vnd Hertzog Sigismund
des Augustus.
2. Pfaltzgraff Friederich bey Rhein von New-
burg / vnd Hertzog Johan Casimir zu
Sachsen.
3. Pfaltzgraff Heinrich Otto bey Rhein / von
Newburg / Hertzog Christian zu Sachsen/
vnd Hertzog Friederich Wilhelm zu Sach-
sen.
4. Hertzog Ferdinand zu Bayern / Pfaltzgraff
Philips Ludowig bey Rhein / vnd Hertzog
Ulrich zu Mecklenburg.
5. Erzherzog Carl zu Osterreich / der Admini-
strator des Primats vnd Erzbischoffs Mag-
deburg / vnd Hertzog Wilhelm zu Bayern.

B II

Wider

6. Widerumb zweene Ehrnholde / hetten von
Güldenem Zeuge kleine Röcklein / mit des Reichs A-
deler / vnd lange schwarze Sammete Röcke an / vnb-
dackte Heupter / vnd in der rechten hand ein jeder auch
einen weissen Stab.

7. Nach diesen zweien / Kam der
Churfürst zu Sachsen / auff einem gar schönen starcken
grawen Hengst / mit einem herrlichen Güldenem Zeuge /
hinden vnd forne mit gelben Federn geschmückt / in ei-
nem schwarzen Sammeten / vnd mit Golde gestickten
Mützen / vnd einen schwarzen seidenen Hut / vmbwel-
chen von Golde vñ Edlen gestein / eine schöne schnure /
auch schwarze lange schmale federlein / Führete das
Churschwerth bloß auff der rechten Achsel.

Hernach alsbald

8. Folgeten Ihre Kay. May. wel-
che vnder einem gelben seiden Attlasen Himmel ritte /
darinn inwendig der schwarze Reichs Adeler gemacht
war / Den Himmel trugen achte Rathspersonen der
Stad Augsburg / vnd acht Rathspersonen giengen
bey her / Alle mit schwarzen Dammaschen Hartschap-
pen / güldenem Ketten / vnd darüber schwarze Mantel.

Ihre Kay. May. rietten auff einem
herrlichen gelben Ross / mit einem zierlichen Güldenem
Zeuge /

Zeuge / vnd Guldene Püegeln / Hatten ein schwarz
Welsch kleidt an / darüber einen schwarzen Mantel mit
silbernen Vorten vorbrehmet / einen schwarzen Osterreichischen Hut mit Daffent vberzogen / darauff blawe
vnd weisse hohe Federn / vnd ein gülden Kappir.

Ihrer Kay. May. Trabanten vnd Lackeyen / waren in schwarz / gelb vnd weissen Sammet gekleidet /
giengen für vnd vmb Ihre May. her.

Wie aus folgender Figur zuersehen.



Nach ihrer Kay. May. ritten.

B iii

Erstlichen

Erstlichen im neunnden Glied.

9. Der Bischoff zu Meinz/ der Bischoff zu
Wartzburg/ vnd der Bischoff zu Eichstede.
10. Der Bischoff zu Trient/ vnd der Herr Meis-
ter Deutsches Ordens.

Demselben folgten der Röm. Kay. May. Ketze/
Vnd nach diesen:

Drey Jungen mit bloßen eyseren Sturmbhau-
ben / vnd gelben Feder büschen / Vnd ein hundert ihrer
May. Hetschierer / alle in Rüstungen / darüber schwar-
ze lundische Röcke / mit schwarz Sammet vorbrennet /
die Sturmbhauben führeten sie blos / vnd darauff viel
schwarze / gelbe vnd weisse federn.

Letzlichen zogen widerumb eines jeklichen vorbe-
nanten Herrn / reysige Knechte / in guter Ordnung /
doch also / das des Ghurfürsten zu Sachsen / etc. reys-
sige Knechte / den letzten Nachzug behielten.

Denen folgten des Reichs Marschalhs Prouoyß
mit vier Trabanten / vnd zweyen stecken knechten.

Hier auff gieng das Geschütz noch
einmal / wie zuuorn / los.

In dieser Ordnung zogen nun alle
oben benante Herrn / von dem rothen Thor / bis in die
Thumbe

Thumbkirche / welches eine sehr lange strasse ist / könd-
ten aber doch ohne brechung der Ordnung / die Keut-
er derer 2082. gewesen sein sollen / nicht bleiben / son-
dern zogen vmb die Thumbkirche herum.

Als nun Ihre Kay. May. an die Kirche kamen / ist
der Churfürst zu Sachsen / Erstlichen / Hernacher die
Kay. May. sampt allen andern anwesenden Herrn ab-
gestiegen / S. Churf. G. mit dem Churschwert vorher
in die Kirche gangen / Darauff folgten die Kay. May.
vnd hernacher die andern Herrn.

Der eingang der Kirchen ist mit schöner Tapezerey
gezieret / vnd dann ein Küssen von gülden stück ge-
wesen / Allda ihr May. kniendt / Erstlich der Thumbo-
probst mit Weyhewasser besprenget / Darnach der De-
chant mit köstliche Specereyen / so in einem schönen
Keuchfas gewesen / bereuchert / vnd dann der Bischoff
zu Augsburg / in seinem Bischofflichen Habit ange-
than / Ihrer May. ein gülden Kreuze für gehalten /
welches Ihre May. geküsstet.

Nach diesem sind jetzt bemelte drey Geistliche fort-
gangen nach dem hohen Altar / Vnd der Churfürst zu
Sachsen / vnd andere Herrn ihrer May. gefolget / Allda
herrliche Stüle von schwarzen Sammet / vnd vor die
Kay. May. einer mit roten Sammet zugerichtet ge-
we en / Aber keiner ist von einigen Herrn besessen wor-
den / Dofelbsten die Jesuwiten vnd Pfaffen / das Te De-

am laudamus, gesungen / auff der Orgel geschlagen / vnd
eine Collect gelesen worden.

Als dieses vollendet / seindt die Herren inn obge-
sakter Ordnung widerumb aus der Kirchen gangen /
vnd sich auff die Kofse gefakt / vnd in der Ordnunge
nach Herrn Marx Fuggers behausunge auffn Wein-
marckt (dieselbst ihre May. ihr Losament hat) gerit-
ten / Vnd also ihre May. bis dahin begleitet.

Die andern Herrn sind hernacher jeder in sein
vorordent Quartier gezogen / Doch seindt ekliche Her-
ren / als die Pfalkgraffen / der Herr Administrator /
die Herzkogen zu Mecklenburg / vnd ekliche Bischoffe /
mit dem Churfürsten zu Sachsen / etc. bis für S. Gh.
G. Losament gefolget.

Vnd ist dieser Einzug / wie jetzt erzeh-
let / bey einem schönen klaren Wetter angefangen / vnd
volnbracht worden / Hat fast in die dritte halb stunden
gewehret.

V obgedachtem Einzuge / ist den
Papisten etwas abgeschafft worden / dessen
sie sich hiebeuorn allerwege gebraucht / Nem-
lichen / Wann der Rath der Stad Augs-
burg die Rom. Kay. May. im Thor vnter den Him-
mel genommen / vnd bis bald an die Thumbkirche ge-
bracht / Seindt die Pfaffen hiebeuor allerwege aus dem
Thumb /

Thumb zu vnser lieben Fraywen komen/ vnd Ihre Kay.
May. vnder ihren Himmel/ genommen / vnd also dar
unter in die Kirche begleitet. Dieses ist ihnen / sich des
sen zu enthalten / iho verbothen worden/ Welches die
Pfaffen nicht ein wenig verdrossen / Vnd hat also der
Rath / wie oben gemeldet / Ihre May. vnder ihrem
Himmel / bis in den Thumb das geleitte / vnd wider
heraus bis an Ihrer May. Losament / des Suggers
hause am Weinmarckte geben/ Seind also die Pfaffen
dismahls ausgeschlossen worden.

DEn folgenden Morgen / als den
28. Julij / Hat der Rath zu Augsburg ihrer
Key. May. nachvorzeichnete stücke vorehret/

Zwene Wägen mit Wein/
Vier Wägen mit Habern/

Zwo Pantzen der eine mit Walmaster/
der ander mit Reinfahl.

Zehen Fass mit Nischen/ allerley gat
tungen/ Darunter Fohren die zu 16. 18. vnd
20. Pfunden gehabt.

Vnd

Drey vorgüldete Credentzer / in einem
jeden 500. der Stad Augsburg newe gemün
zete Holt gülden.

¶

Der

Der Allmechtige Gott vnd Vater
vnsers Herrn vnd Heilands Ihesu Christi/ Helffe das
auff dieser nothwendigen Reichsuorsamlung zu Augs-
burg / dahin Ihre Kay. May. vnd andere Potenta-
ten / Chur vnd Fürsten/ neben andern des heiligen Rö-
mischen Reichs Stenden vorrenset / allein das jenige
berathschlaget / vnd glücklich ins Werck gesezet werde/
was zu seinen Göttlichen ehren / zu ausbreitunge vnd
fortpflanzung seines seligmachenden Worts / zu friede/
auff nehmen vnd gedenen Deutscher Na-
tion / vnd vns allen zur Seligkeit
gereichen möge /

A M E N.





Gedruckt in der Churfürstli-
 chen Stad Dresden / durch
 Gimmel Bergen.
 M. D. LXXVII.

QK Th 2123

PTC

Pon Tm 2123, 1 QK


ULB Halle

3

003 930 637







389,1.

Warhafftige beschreibung:
Der Röm. Kay. Mayt. Zug-
zugs zu Augsburg/ legen itzo doselbst ge-
haltenem Reichstage / vnd wie ihrer Kay.
May. die domals anwesende Ghur vnd Fürsten /
Persönlich/ mit ihren bey sich gehabtem Key-
sigen Zeuge entgegen gezogen.
ANNO 1582.

744
II n
2123



UNIVERSITÄTS-BIBLIOTHEK
HALLE
(SAALE)

Dresden.

BIBLIOTHECA
PONICKAVIANA

